

欽定平定教匪紀略

欽定平定教匪紀畧卷三十七

二月二十二日

甲寅

山海關副都統文孚奏言查

凱旋官兵在軍營分得拏獲幼孩攜帶出關從前原有辦過成案但所帶人數核與部票相符方有可稽現在凱旋吉林黑龍江第六起官兵到關於票外多帶僱工幼孩四十七名未便准令攜出關外已截留關內捐貲酌給飯食暫爲

收養所有僱工八名年歲已長應聽其自行謀
生其幼孩共三十九名均係無依貧民可否

賞給山海關滿營官員分領或應如何安置之處伏
候

訓示奏入

上命軍機大臣傳諭文孚曰據文孚奏吉林黑龍江
第六起官兵到關查有浮帶僱工及幼孩多名未

經註票現已截留關內暫爲收養除僱工聽其自行謀生外其幼孩三十九名貧苦無依可否分賞該處滿營官員等語此次凱旋官兵多有私攜人口之事此內或有奸徒遺孽或係良民子女必當詳悉查明文孚於該官兵過關時將浮帶幼孩截留請旨所辦尙屬細緻此起僱工及幼孩四十七名著文孚逐一究問如其中有逆犯子孫應行緣

坐者卽奏明交部照例緣坐若實係良民子女其僱工八名年齒已長卽照所請令其各自謀生其幼孩三十九名無家可歸卽分給山海關滿營官員令其妥爲收養

上又命軍機大臣傳諭調任黑龍江將軍富俊吉林副都統松寧曰此次凱旋官兵多有私攜人口之事此內或有奸徒遺孽或係良民子女均不可不

詳悉查明分別核辦所有吉林黑龍江各起凱旋
官兵節經帶回出關幼孩人口著富俊松寧悉數
傳到逐加訊問如有逆犯子孫在內應行緣坐者
卽奏明照例緣坐若實係良民子女此時旣已無
家可歸仍交原帶回之官兵當堂承領令其妥爲
收養

上諭內閣日前次凱撤回京之健銳火器二營官兵

聞多有私帶幼孩來京者此等被賊地方無依子女自應由地方官安插其有係逆匪子女更應照例辦理著該管大臣卽將該官兵等所帶幼孩逐一傳齊在公所訊問如有係逆犯子孫卽交刑部照例查辦其係平人子女此時旣無本家可以給領著仍交原帶回之官兵承領令其妥爲收養

臣等謹案春秋左氏傳載武有七德而安民

和衆與禁暴戢兵並舉誠以興師除亂本以爲保育黎元計也溯自軍興之始

特命領兵大員申明軍紀約束戒行是以

王師所過閭閻慶安堵焉迫圍城克復之後兵燹倉皇老羸轉徙其中稚弱伶仃尤屬熒熒無告若統師干之任者果能仰體

聖慈飭加收恤則骨肉散而復完何至瑣尾流離致

與俘囚等視哉茲以文孚奏報吉林黑龍江
凱撤官兵查有攜帶良民子女及逆犯家屬
之事仰奉

諭言命京營及各省駐防綠營查明凱撤官兵所帶
幼孩如有逆犯子孫照例緣坐其良民子女
分別歸籍留養俾各安其所而遂其生嗣復

勅下兵部申明舊例宣示營伍嚴禁行軍擄掠人口

使將弁等皆曉然於有勇知方之道

聖諭煌煌仁昭義立不啻煦春日而凜秋霜所由羣
黎獲慶生全庶旅咸明紀律克叶師貞之吉
而孚子惠之庶歟

二月二十四日

丙辰

長齡楊遇春朱勳奏言查各

股賊匪節經

臣

等督率鎮將以次殲除尙有同

時起事之譚貴傳老八龍正光喜兒余姓並賽

冲阿谷會查拏之黃五劉濫子段姓八名未經
拏獲臣等恐其竄匿山內又復裹脅爲患分飭
各路嚴拏茲據總兵楊芳稟稱該鎮等帶兵入
黑河老林緊躡譚貴追捕探聞該匪雖止帶十
餘人均持器械不擇路徑捨命窮奔該鎮於十
二日在辛靈峪地方挑帶官兵百餘名乘夜越
嶺達在賊前潛伏深林十三日黎明譚貴等行

抵該處經楊芳督兵截殺殲斃賊匪十三名將
譚貴及餘犯戴大旗王大旗彭姓等六名擒獲
訊據供稱此內尚有汪大旗一名已被官兵戮
死該鎮卽將戴大旗等五名正法其譚貴一名
解赴大營又據臬司繼昌稟稱節經壯勇及寨
民陸續拏送賊匪七十三名訊據認出吳抓抓
之義子喜兒並陳四股內僞先鋒余姓卽余九

金史卷之五十一 卷三十一
二犯喜兒供稱自吳孤孤被官兵打散後我帶

二十餘人同張占鰲竄逸因不願在張占鰲手

下想要折回洋縣漢中一帶路遇余九商同逃

竄正在出林被戮傷擒獲又據城固縣知縣程

雲馬平縣典史五品軍功鄧文林五品軍功呂

升元拏獲賊首傅老八龍正光據供該逆二人

向在一處隨同萬五復又到陳四股內嗣經官

兵剿散本擬投入別股因傅老八患病只得在
林內藏躲夜間行走現欲至沔縣再行打算充
作逃難百姓由沔入川不料被官兵盤獲又據
署同知安康縣知縣呂朝選候補知縣沈琮盤
獲賊匪党友向小二段老八三名其段老八一
犯卽係賽沖阿咨會查拏之段姓均係同時起
事要犯又據賽沖阿來信黃五卽王五已被水

田坪寨民拏獲細送吳廷剛軍營正法劉濫子
已被百姓殺死是未獲賊首全已就擒殲臣

等親加提問譚貴喜兒余九傅老八龍正光党
友向小二段老八供認同時起事不諱查譚貴
喜兒皆係僞元帥傅老八龍正光党友皆係僞
總兵余九段老八向小二皆係僞先鋒臣等審
明後將該逆八名分別凌遲處死並將譚貴喜

兒首級在沔畧一帶傳示至此次剿辦各股賊
匪計臨陣殲斃及正法活賊一萬八千餘名釋
放被裹難民男婦五千餘名又襄沖阿在漢南
剿辦苗小一等股四千餘名所辦賊數實已不
少但老林內外處處皆易藏奸現據特依順保
搜獲活賊一百五十二名副將銜齊慎搜獲活
賊七十四名遊擊李天俸顧應全兩路搜獲活

賊一百六十七名均有器械雖據供本願出山
投首實不可信令寨民保認均已從賊日久不
敢收留臣等卽將各該犯概行正法現在棧西
一帶均已肅清仍酌留官兵二千名派令將備
帶領分赴各老林搜查又令游棟雲卽回甘境
駐劄兩當徽縣一帶派兵分搜令馬元由鎮安
一路祝廷彪由寧陝一路吳廷剛由洋縣一路

各向老林搜查臣長齡臣楊遇春帶同楊芳特

依順保由棧西向棧東分兵排搜前進臣朱勳

亦由辛口峪入山查看撫卹均卽馳赴漢中總

須棧道東西全行肅清臣等確可放心卽會同

賽沖阿由六百里加緊具

奏再各路官兵應卽酌量以次凱撤現今色爾滾

達斯呼爾岱及侍衛章京等帶領吉林索倫官

兵六百名又派西安鎮標官兵五百名由山內
一路搜捕出盩厔峪口卽將西安鎮標官兵五
百名留在盩鄠各峪口巡防更換富僧德所帶
西安滿兵五百名歸營其吉林索倫官兵自省
起程應用車馬等項已飭令沿途照料分起行
走其餘各路官兵再行察看陸續凱撤

長齡楊遇春朱勲又奏言臣楊遇春前次剿辦

麻大旗劉二股匪完竣仰蒙

天恩令查明出力人員保奏當卽行令各鎮將開報
去後茲據保送前來又總兵吳廷剛一路亦將
出力官兵查明具報臣等逐一確核謹繕清單
恭呈

御覽至副都統銜總管達斯呼爾岱打仗帶兵極爲
奮勇可否遇有副都統缺出陞補之處出自

天恩再臬司繼昌派赴漢中督辦糧餉軍火毫無貽
誤親赴寨砦安撫居民捐募壯丁搜捕賊匪喜
兒余九並餘匪多名實屬奮勉出力可否懇

恩賞戴花翎又原任山東知府金湘投効軍營不辭
勞瘁往來寨砦催運軍火糧餉均無貽誤可否
准其捐復原官之處伏候

訓示

長齡又奏言

臣節次奉

旨飭查南山匪徒起衅根由

臣密行查訪緣南山綿

亘二千餘里跬步皆山土著本少率係川楚等

省貧民或隻身前往或攜眷而來開墾荒山種

植包穀雜糧其距興安漢中相近者卽由水運

販賣且山中產有藥材漆樹皆可採買又以山

樹茂盛木商攜資伐木號爲木廂並有紙厰灰

廠炭廠在在皆可傭趁此山內游民易聚之由
去秋包穀青空糜穀蕎麥收成共有五分以
上力田之家尙堪自給惟糧價昂貴各廠不能
多養工人傭趁者無可營生並知向來辦賑外
來游民不入戶冊者例不給領遂卽起意搶奪
無業游民從而附和迨聚集人衆居然抗拒官
兵歷訊首逆萬五陳四龔貴及各股活賊所供如

一核之楊二呈嗣因木廂停工乏食糾掠情節
相符臣進山後沿途察看尙有背負蕎麥出山
糶賣者官兵所到均買包穀餵養馬騾可見山
內有地居民尙不致十分拮据所有包穀青空
之處撫臣朱勲於上年十月內奏明確查業據
各州縣查報奏請撫卹並無諱匿情事山內木
廂炭廠紙廠不下八九十處每廠自二三百人

至四五百人不等該匪等首先焚掠廩廂此內
之人皆爲賊有又以山內工作久停卽未經賊
擾之處亦多無所依歸所以賊匪裹脅動輒盈
千至南山一帶自從前教匪滋擾山中百姓築
修堡寨自製軍器捍衛十數年間所造鎗礮刀
矛爲數實多迨肅清後俱各移藏防禦未經裁
禁是以賊匪起事時刀矛無幾層次攻破寨堡

愈搶愈多

臣

調驗所獲破位多係過山鳥並無

某年鑄造字樣其中堪用者甚少實爲民間防
守所鑄無疑現當查辦保甲之時將各寨堡一
律修葺整固編鑄某寨堡名目以憑稽查其牲
畜一項查係該匪徒經過場集地方搶掠所得
現在查辦撫卹應借牛具之戶甚多可知賊匪
騾馬實由沿途搶奪並非久經收養蓄有異謀

其旗幟各色皆有大小不一並無五色分號之
事臣每獲活賊研訊並於五郎潼關等處專員
密訪復於節次賊匪屯聚處所親身搜查實無
跡近邪教可疑之處惟臣入山以來目睹被賊
處所不但貧民乏食卽富有之戶亦皆搶掠無
餘已囑撫臣朱勳趕緊編查戶口散放撫卹臣
與楊遇春商議將來先儘甘省官兵凱撤其本

省之西安漢中陝安三鎮及固原提屬各留兵
一千名分紮要隘彈壓四月內再行撤回原營
容俟擬定各條統歸善後事宜具奏均奏入

上命軍機大臣傳諭長齡楊遇春朱勲曰陝省賊匪
大股剿淨之後尙有逆犯數名潛逃今譚貴一犯
經楊芳帶兵追獲其餘傅老八龍正光喜兒等犯
亦皆經地方文武督率擒拏不致漏網現在棧西

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

一帶均已肅清長齡等仍分派將領赴各處老林
搜查并親自帶兵向棧東一路排搜前進以期淨
盡根株不留餘孽伊等查明確可放心卽會同賽
沖阿發六百里加緊之摺至各路官兵此時自當
以次凱撤所有吉林黑龍江官兵六百名著交色
爾滾達斯呼爾岱各分帶三百名分爲兩起行走
俟到京後朕施恩賞賚再令各歸原處此外各路

官兵將甘肅路遠者先行撤回原伍其暫留之西
安漢中陝安三鎮兵各一千名提標兵一千名均
係在本境駐劄彈壓俟察看情形大定再行議撤
至長齡覆奏查勘山內上年秋收約在五分以上
所有包穀青空之處曾經該撫飭交該州縣查明
奏聞撫卹是地方官尙無諱災激變情事所有山
內賊匪委因停工乏食乘機勾結搶掠並非如邪

教之蓄心謀逆其鎗礮刀矛等項因前次教匪滋擾民間製以自衛未經裁禁此次賊匪多由攻破寨堡所得寨堡居民製械自衛今轉爲賊所用豈非藉資寇兵著該督撫卽出示曉諭令其自行呈繳精利者分配各營操演其朽壞敝鈍者卽可官爲銷燬亦鑄劍戟爲農器之意也再上年官兵收復滑城之後凱旋時多有私帶幼孩行走者昨吉

林黑龍江官兵過山海關時經文孚截留具奏現
在分別查辦王師所至原以除莠安良豈有凱旋
之日轉令攜帶人口之理著長齡等嚴飭此次吉
林黑龍江及各路征兵均不得攜帶子女幼孩如
違按律懲辦所有被賊地方無依幼孩著長齡等
派員詳悉查究如係賊匪子孫仍按名照例緣坐
其良民子女交地方官出示招保有親戚保認者

給子領回無家可歸者官爲收卹卽於留養局收
養俟其年歲稍長能自謀食各令散歸謀生可也

上諭內閣曰長齡等奏查明楊遇春吳廷剛兩路出
力滿漢官兵分別開單請加鼓勵一摺加恩著照
所請總管達斯呼爾岱遇有副都統缺出卽行陞
補頭等侍衛諾木齊賞給固勇巴圖魯名號吉林
佐領德慶賞給奮勇巴圖魯名號索倫總管哲保

額外驍騎校珠勒格訥俱賞換花翎吉林藍翎甲
兵烏爾裘保西隆額索倫藍翎甲兵阿爾布善俱
賞給藍翎侍衛准其留京分派在大門上駟院上
虞備用處行走二等侍衛蘇倫保陞爲頭等侍衛
藍翎侍衛札玉善陞爲三等侍衛索倫佐領委總
管巴圖魯薩林阿以總管陞用吉林防禦巴圖魯
德海以額外佐領陞用俱先換頂戴吉林防禦穆

騰布委筆帖式富寧安金成保委驍騎校雙有領
催委官墨爾根舒通保和成阿色布清阿庫克精
額魏保塔清阿披甲委官愛伸泰雙德領催國清
阿甲兵興保托明德章德台璧善明常依克坦布
富明德善保清壽圖清額舒明阿索倫領催委防
禦福勒德披甲委防禦年昌阿恩騎尉巴哈善委
筆帖式哲里善阿楞達披甲委官勒爾吉善領催

哈爾金保哈勒欽保約保巴爾富克精阿甲兵薩
克丹保博勒亨保達里善色克精阿阿英阿武勒
克善富榮保岳興阿西安滿營領催烏爾恭保俱
賞戴藍翎吉林委驍騎校蘇欽保惠金保凌德領
催委官昌希保那爾呼善塔僧保前鋒委官珠爾
杭阿披甲委官富明阿藍翎披甲富春索倫領催
委防禦呢爾格穆吉領催委驍騎校國希那格依

保楞登額占布領催委官色克登保前鋒委官福
來雅綳阿領催喀塔蘇瑚寶特保依祿藍翎披甲
額勒德善明清阿西安前鋒吉勒通阿俱以額外
驍騎校陞用先換頂戴陝西提標遊擊李士林承
昌甘肅洪廣營遊擊劉發恒俱賞戴花翎陝西漢
鳳營遊擊陳喜長武營都司劉鳳翥延綏鎮磚井
堡守備陳貴俱賞換花翎陝西靜寧協都司唐璩

鎮靖堡都司馬金魁甘肅莊浪協都司李萬年俱
以遊擊陞用先換頂戴陝西提標千總楊伏增趙
毓靈張進祿靜寧協千總白一魁甘肅西寧後營
千總鄧正敏俱以守備陞用先換頂戴守備馬明
馬滿得千總劉福葉昌泰把總札德賀登魁張廷
舉仇懷瑛蒲明毛榮高履和柳增暉劉世勳楊占
魁雲騎尉馬登雄武舉楊作舟楊兆鵬外委李榮

傅文元崔廣福馬騰龍陳倅汪啟魁張元司榮李
安王登高李貴王學倅江太張倅劉員圖額外外
委李攀林劉存祿李如會楊玉貴朱貴楊天雲廕
監生魏思文馬兵顧德李生花龐安何貴田榮胡
德劉興倪璘馬龍圖高會能金殿選孫貴楊桂林
李祿程洪張登魁佟福王有貴朱桐趙泳得朱連
陞張世傑劉爵義張三德劉爵位王貴張品鄒有

貴沈思禮顧登科游永陞關國清楊茂高天順楊
宗福張貴徐廷貴俱賞戴藍翎緣事革職之衛千
總向金榜營千總劉啟泰把總郭榮俱准其開復
原官其出力文員陝西綏德州知州羅應庚著賞
戴花翎候選通判張爲埏歸部儘先選用陝西候
補州同王金華免補本班以知州卽行陞用先換
頂戴候補縣丞諸能定免補本班以知縣儘先陞

在... 卷三十一
用候補縣丞張廷槐候補府經歷伍敏俱免補本班以知縣陞用候選未入流安郁文留於陝省補缺後以縣丞陞用候選從九品陸鋆捐職未入流陸均俱留於陝省以本班卽用藍翎典史戴廷棟以府經歷縣丞陞用

上又諭內閣曰長齡等奏臬司繼昌在漢中督辦糧餉軍火毫無貽誤且親赴寨洞安撫居民搜捕賊

匪多名實屬奮勉著加恩賞戴花翎仍交部議敘
原任山東知府金湘投効軍營往來寨砦催運軍
火糧餉均無貽誤著加恩准其捐復原官留於陝
省酌量補用捐復銀兩准其就近交納陝西藩庫

同日直隸正定鎮總兵徐錕奏言臣訪聞要犯

王進道一名在河南滑縣綠石坡村潛藏當派

線目武生李殿臣蘇冠軍王遇午隨同龍固營

把總曹成及購線武童蔡芳奎等星夜前往該
村將該犯王進道弋獲據供於十一年內入宋
克俊震卦教去年三月裏宋克俊封爲衛輝總
兵後又封做震官伯八月間宋克俊說李文成
等同林清約定九月十五起手叫我帶一千人
馬先平蘭陽長垣二縣不料九月裏李文成被
拏我們初七日殺入縣衙救出李文成就在桃

園紮營我打著大白旗上寫奉天開道震官伯
王進道字樣到過八里營草坡劉莊等語查該
犯係李志茂供出有遣人過河勾結一節詰訊
該犯堅不承認已派撥弁兵將該犯起解赴省

奏入

上命軍機大臣傳諭那彥成曰據徐錕奏拏獲要犯
王進道現已解赴保定著那彥成親提嚴審前後

從逆各情其過河勾結一節一併切實研訊如供
情確鑿該督一面錄供具奏一面將該犯在保定
省城凌遲處死所有獲犯之把總曹成武生李殿
臣蘇冠軍王遇午武童蔡芳奎卽於摺內聲明奏
請量予恩施

二月二十七日紀寒沖阿奏言臣自剿除四號

股匪駐營華陽卽派兵入林搜捕又札調總兵

吳廷剛祝廷彪分駐華陽四畝地等處逐細排
搜臣由華陽移駐沔縣沿途間有所獲卽隨時
審明正法十五日據探畧陽縣屬碓窩子地方
有匪徒數十人由兩當界內老林竄出臣飛飭
分搜西路之都司周志林等趕緊截捕該弁等
於十六日午刻在石板河哨見匪徒蹤跡分兵
四面圍捕斃賊十餘名生擒四十五名搜獲鳥

鎗七桿刀矛四十七件內有賊目王之貴劉科
發二名供係吳孤孤股內餘匪因大股被官兵
殺完在老林裏藏躲糧食吃完要想出山掠食
就遇官兵捕獲除將被脅難民十一名令鄉民
保釋外所獲真賊分別凌遲正法此次陣亡官
兵二名帶傷兵丁一名另容造冊報部現在督

臣長齡提臣楊遇春自鳳縣留壩一帶督兵搜

洗臣自西南一路排搜計二月內必可蕨功再
臣前次奏報剷除青藍紅綠四號股匪殲斃首
逆苗小一一摺奉

旨令臣查明出力將弁官兵據實保奏臣謹遵

旨核實查明並在事出力各文員另繕清單恭呈

御覽再查四川茂州營千總唐文淑屢在前敵打仗
實屬超衆出力該員曾經出師黔楚苗疆又隨

剿川楚教匪由千把游擢總兵

賞戴花翎後因失察屬員因公挪移一案部議革職

蒙

恩賞補千總今復奮勇出力可否

施恩擢用之處出自

天恩奏入

上諭內閣曰賽沖阿奏遵旨查明礮斃苗小一剿除

青藍紅綠四號股匪出力員弁兵丁保奏一摺苗
小一等股匪由洋縣等處躡淺渡江窺伺川境經
賽沖阿帶兵剿辦一律殲除地方寧謐前已將該
將軍特加懋賞所有在事出力人員自應分別鼓
勵加恩著照所請寧越營都司蘭國額以遊擊陞
補先換頂戴越雋營守備張必祿疊溪營守備冉
玉龍前在木竹壩打仗出力經該將軍保奏業經

降旨加恩賞換花翎茲再加恩俱以都司陞補先
換頂戴候補千總馬玉林以守備補用先換頂戴
驍騎校祥陞賞給額外防禦先換頂戴遇缺卽補
筆帖式兆德委前鋒校佟齡德隆阿委前鋒興倫
均賞給額外驍騎校先換頂戴遇缺卽補佐領清
昌千總周炳南均賞換花翎把總彭榮外委陳起
貴均賞換花翎以應陞之缺儘先陞用千總武魁

前在木竹壩打仗出力經該將軍保奏業經降旨
加恩以守備儘先補用先換頂戴茲再加恩賞戴
藍翎防禦阿爾薩領催松昌千總王澧把總陳三
級權正邦吳世太李洪春吳英外委蔣映蘭額外
外委李天成蔡長青胡坤山任起鳳馬兵徐世榮
張萬祥馬瑞圖白占魁哈廷佐江大有趙坤泰登
榮陳玉春蘇正朝葉鳳鳴甘上選龔廷斌張登林

戰兵孫占魁萬天樞吳天喜杜成守兵馬有明孔
傳恩俱賞戴藍翎遇缺儘先拔補其催運糧餉辦
理文案各文員陝西淳化縣知縣朱紹穎著以同
知直隸州補用先換頂戴四川候補知縣仇如玉
著遇缺卽補陝西儘先補用縣丞郭守倫著以知
縣補用候選從九品徐之爵著留川以府經歷縣
丞補用

又諭內閣曰賽沖阿奏四川茂州營千總唐文淑前在總兵任內緣事革職賞給千總此次隨同出兵屢次打仗超衆出力可否施恩擢用等語唐文淑前在總兵任內失察屬員挪移公項其獲咎本係公罪該員曾經出師多次茲復打仗奮勇者加恩以副將補用仍賞還花翎

同日賽沖阿又奏言革職副將王玉龍隨同

臣

於木竹壩店子河寨家山等處剿賊奮勇出力

臣不敢壅於

上聞可否查照奮勇兵丁量加鼓勵之處出自

聖恩奏入得

旨兵部查明原案具奏旋經兵部查案覆奏得

旨王玉龍前在署威寧鎮總兵任內緣書識欺朦捏

稟被叅褫革尙屬公過著加恩以千總用

同日常明多隆武奏言臣等接准賽冲阿信稱

漢江南北兩岸已無賊氛陝境將次肅清川界

洵無可慮前所調建昌永寧普安及川東等營

官兵計有尙未起程者有行走_{在途者}除已陸

續撤止外茲復將已到之省標重慶官兵一併

撤交鎮將等帶領回營臣常明隨亦起程回省

臣多隆武現帶懋功協兵一千名桂涵羅思舉

亦各帶兵千名內除川北本標官兵外酌留川
東兵六百名暫於邊境巡查俟察探陝境一律
寧謐再次第全撤歸伍奏入報

聞

二月二十八日庚申湖廣總督馬慧裕奏言前因

陝省賊匪滋擾楚省鄖陽府屬邊防緊要卽經
飛飭鄖陽鎮總兵富斌督同地方文武派撥弁

兵在於邊界防堵茲接提臣吉林泰來信探聞

陝匪竄近鄖西已親赴鄖陽邊界會同辦理查

總兵富斌原止抽撥該鎮標及竹山協營官兵

五百名帶往恐尙形單薄臣現又知會吉林泰

在於提標挑派官兵八百名帶往相機防堵並

酌動庫項解交鄖陽府存貯供支防兵食用事

竣核實具

奏奏入

上命軍機大臣傳諭馬慧裕曰陝省南山賊匪節經
賽沖阿長齡等督兵剿辦淨盡該督具摺時自係
據該提鎮文報前次賊匪有竄近鎮安之信此股
賊匪已經陝省剿除該督當已續經接有稟報現
在陝省已無成股賊匪惟剿散之賊恐有一二零
匪假裝乞丐行旅冀向楚省竄逸著該督嚴飭地

方文武員弁督率兵役於各要隘處所或林谷深處逐細搜查如有拏獲零匪卽就近解往陝省交長齡朱勲等審辦其楚省邊防察看實已寧謐卽將調防之兵撤歸原伍以節糜費

二月三十日

壬戌

賽沖阿長齡楊遇春朱勲奏言

竊

臣

賽沖阿將漢江南北賊匪剿除後卽移駐

沔縣緊顧川邊分派官兵赴寧羌畧陽褒城沔

縣一帶逐細排搜共獲零匪一百二十七名審

明正法茲據各將弁稟報遍歷深山老林均已

搜捕淨盡實無藏匿賊匪西南一帶毘連川境

均已毫無遺孽臣賽沖阿可以深信臣長齡楊

遇春連日自西向東分兵排搜拏獲賊匪三十

二名寨民緝送賊匪二十五名訊係正賊概行

正法又峪內寨勇節次搜獲餘匪一百十七名

亦經臣朱勲訊明正法現據總兵吳廷剛祝廷

彪馬元稟報該鎮等在寧陝西江口太白山老

林鎮安石泉一帶總兵游棟雲在兩當徽縣利

橋一帶並臣長齡楊遇春留於棧道東西一帶

地方搜捕之將備等分派官兵入林搜捕逐日

獲賊四五名至十餘名不等寨民以其從賊日

久不敢保領該鎮等訊明悉予駢誅各路先後

搜捕賊匪已有五百餘名實無遺孽臣等復沿

途察看居民俱經陸續歸業安堵如常臣賽沖

阿長齡楊遇春於二十二日抵漢中府城臣朱

勳自辛口峪入山一路查辦撫卹亦於二十三

日到郡南山老林內外漢江南北實已肅清除

將善後一切應辦事宜及酌留官兵彈壓悉心

籌議再行詳悉具奏外臣賽沖阿現將原帶四

川官兵二千員名分起凱撤歸伍臣賽沖阿拜
摺後亦卽起程回川謹將搜捕淨盡全行肅清
遵

旨由六百里加緊奏

聞再楚豫兩省防禦官兵臣等已分咨馬慧裕方受
疇全數裁撤奏入

上諭內閣曰賽沖阿等奏報南山老林內外漢江南

北全行肅清一摺陝省匪徒萬五等因木廂停工
乏食糾集夥黨分路搶劫經朕特派長齡楊遇春
等督兵剿辦復派賽沖阿帶兵川界堵截各路將
弁兵丁奮勇爭先所向克捷將各股賊匪次第殲
除其剿散零匪竄匿老林等處者現據賽沖阿分
派官兵赴寧羌畧陽一帶逐細排搜長齡楊遇春
亦自西向東分兵搜捕共計各路鎮將搜獲及寨

民縛獻者又有五百餘名悉行正法實無遺孽賽
沖阿會同長齡等遵旨由六百里加緊馳奏此次
剿捕南山匪徒辦理實爲妥速賽沖阿長齡楊遇
春朱勲及鎮將備弁等業已疊次降旨優加恩獎
分別陞擢所有出力兵丁除吉林黑龍江兵六百
名俟到京之日再加賞賚其陝西甘肅四川等省
兵丁著該將軍等查明將已經援擢賞戴翎枝及

僅止防堵者扣除外隨營打仗兵丁加恩普行賞
給一月錢糧

上又諭內閣曰自上年九月內逆匪林清勾結豫東
教匪聚眾謀逆剿辦甫竣其時南山匪徒因陝省
兵將徵調遠出乘虛劫掠復派凱撤官兵分路剿
除現已一律肅清軍務全行報蒞軍機大臣贊襄
樞務夙夜勤勞宜沛恩施以昭優獎董誥之子候

天恩

考佑事機順利氛祲全消允宜恩膏普被以迓祥和
除林清萬五等二案匪犯罪名不能末滅外著刑
部將各直省軍流以下官常人犯查明照例減等
其歷次緩決官常各犯久羈囹圄者並著詳查酌
議奏請施恩

同日常明奏言查陝境軍務業已蕪功川境邊

防可以全撤臣現已知會提督多隆武卽將懋
功川東等營官兵悉數撤回原營仍令桂涵羅
思舉各帶本標官兵於邊境巡查搜緝奏入報

聞